

ՁԱՔԱՐՅԱՆ ՀԱՅԱՍՏԱՆԻ ՆՎԱՃՈՒՄԸ ՄՈՆԴՈՒՆԵՐԻ ԿՈՂՄԻՑ

ԱՐՏԱՇԵՍ ԾԱՀՆԱԶԱՐՅԱՆ

Ավատատիրական ենթակարգութեան սկզբունքով Ջաքարյան Հայաստանն ընդգրկող և XIII դ. առաջին քսանամյակում տարածաշրջանի հզոր պետութիւններէից մեկը հանդիսացող վրացական թագավորութիւնը դարի չորրորդ տասնամյակ մտալ իբրև փոքրիշատե լուրջ հակառակորդի դիմագրավելու անկարող երկիր: Այդ էին վկայում 1220-ական թվականներին նախ մոնղոլները, ապա ղիչալները, իսկ վերջում՝ խորեղմցիների հետ բախումներում հայ-վրացական բանակի շարունակական անհաջողութիւնները: Աննշան բացառութեամբ պարտութեամբ ավարտված այդ մարտերը լիովին բացահայտեցին ճկուն, նախահարձակ, շարժունակ և դրա շնորհիվ հաճախակի զորաշարժերով հարվածի ուղղութիւնը փոխող հակառակորդին դիմագրավելու երկրի քարացած ռազմական կազմակերպութեան անզորութիւնը: Վերջինիս կարևոր բաղադրամասերէից էր սահմանապահ կուսակալութիւններէի ցանց կազմող Ջաքարյան Հայաստանը¹: Այն կոչված էր պաշտպանելու ոչ միայն իրեն, այլև հարավից ու հարավ-արևելքէից՝ նաև բուն վրացական տարածքները: Ուստի հենց Ջաքարյան Հայաստանն էր, որ կրեց վերը նշված երեք հակառակորդների հարվածների հիմնական ծանրութիւնը և տնտեսական ու ռազմական առումներով խիստ թուլացավ: Ընդ որում, եթե թուրք-սելջուկների դեմ մղված հարձակողական մարտերի ընթացքում Ջաքարյան իշխանական տան բոլոր ճյուղերի գործելակերպին բնորոշ էր փոխօգնութիւնը, ապա 1220-ական թվականների պաշտպանական մարտերի ժամանակ դա ըստ էութեան չգրասևորվեց: Ջաքարյան իշխաններից յուրաքանչյուրն իր ուժին ապավինելով, փորձում էր հոգալ միայն սեփական տիրույթների անվտանգութիւնը:

Անհրաժեշտութեան դեպքում սահմանապահ կուսակալութիւններին պետք է օգնէր արքունի բանակը²: Դա քանիցս կատարվեց, սակայն բոլորն էլ աննշան բացառութեամբ անհաջող ելք ունեցան և, ի վերջո, ավարտվեցին 1229 թ. գարնանը Մինգրի ճակատամարտում արքունի բանակի կորուրդը կազմող ղիչաղական զորամասի՝ մարտադաշտ չմտնելով ու դրանով իսկ մարտի ելքը հօգուտ խորեղմցիների վճռելով³: Ինչ վերաբերում է երկրի պաշտպանութեանը վրացական իշխանների մասնակցութեանը, ապա

¹ Жизнь царицы Тамар. — "Памятники грузинской исторической литературы". Т. V, Тбилиси, 1985, с. 21, 37.

² Նույն տեղում, էջ 38:

³ Վրաց ժամանակագրութիւն (1207-1318). Երևան, 1971, էջ 70, Р а ш и д а д - Д и н. Сборник летописей. Т. II, М. — Л., 1960, с. 28; Ш и х а б а д - Д и н М у х а м м а д а н - Н а с и в и. Жизнеописание султана Джалал ад-Дина Манкбурны. Баку, 1973, с. 225; The History of the World Conqueror, by Ala ad-din ata Malik Juvaini, vol. II, Manchester, 1959, p. 440-443.

այս հարցում ևս դրուժյունն անմխիթարական էր: Եթե արևելավրացական իշխաններն իրենց տիրույթներին սպառնացող իրական վտանգի հարկադրանքով այս կամ այն չափով մասնակցում էին պաշտպանական դործողություններին, ասլա արևմտավրացական իշխանները երկրում գերիշխող գերքերը 1190–1191 թթ. զիջելով սլավոնական էին սեփական իշխանություններում և, ապավինելով իրենց երկրամասի անառիկությունը, բնավ չէին հոգում պետություն հարավային ու հարավարևելյան սահմանների անվտանգությունը: Այսպիսով, վրացական թագավորության ռազմական կազմակերպությունը փաստորեն փլուզվել և չէր գործում: Հիմնականում Թամար թագուհու օրոք (1184–1207) ձևավորված սահմանապահ կուսակալությունների ինստիտուտն առանց արքունի բանակի և վրացական իշխանագործի անհրաժեշտ օժանդակություն անկարող եղավ վերը նշված մարտական հատկանիշներով օժտված հակառակորդներին գիմադրելուն: Մինգորի ճակատամարտից հետո, ի դեմս արքունի բանակի կորիզը կազմող զվեջաղական զորքերի, վրաց Բագրատունիներն այլևս չունեին այն ուժը, որի օգնությամբ Դավիթ Շինարարից սկսած (1089–1125) հաջողությամբ պայքարում էին ներքին ու արտաքին թշնամիների դեմ: Բացի այդ, կենտրոնական իշխանությունը թուլանալով, ի դրու չէր վրաց (հատկապես արևմտավրացական) իշխաններին ստիպել կատարելու իրենց վասալային հիմնական սլավոնականությունը և մասնակցելու երկրի անվտանգության ասպնջումանը:

Վրացական թագավորության թուլացումը ոչ այնքան արտաքին ծանր հարվածների, որքան երկրում ավտատիրական հարաբերությունների խորացման արդյունք էր, ինչն ավելի ցցուն դրսևորվեց երկրի վերնախավի ներսում հակասությունների սրմամբ: Դրանք նախքան այդ ևս կային, բայց արտաքին հաջողություններով, կենտրոնական իշխանության ուժեղությամբ և այլ գործոններով պայմանավորված թույլ էին արտահայտվում: Այժմ արգեն, շարունակական սլավոնությունների ու իրական սպառնալիքների ազդեցությամբ, դրանք դրսևորվեցին բացահայտ ու լիովին խարխլելով երկրի պաշտպանական ներուժը:

Անվարան կարելի է պնդել, որ Մինգորի ճակատամարտից հետո վրացական թագավորությունն իբրև կենտրոնացված պետություն լուրջ անվանապես կար: Քննվող ժամանակաշրջանում այն զլխավորում էր Ռոստոլան թագուհին (1222–1245): Նա օժտված չէր մոր խոհեմությամբ, ասլուրում էր թագակրին անվայել ու պետության վարկն արատավորող կենցաղով և առաջնորդվում էր առաջին հերթին նեղ անձնական շահախնդրություններով, որոնք հակասում էին երկրի շահերին: Դրժելով վաղամեռիկ եղբորը՝ Գեորգի Լաչային (1207–1222), տված խոստումը, երկրի համար այդ ծանր ժամանակաշրջանում նա եղբորորդու՝ Դավթի վոխարեն թագադրեց իր մանկահասակ նույնանուն որդուն, իսկ եղբոր տղայից փորձում էր բոլոր միջոցներով ազատվել⁴: Եվ դա այն դեպքում, երբ, ինչպես

⁴ Վրաց ժամանակագրություն, էջ 58, 62, 67-68, 82, 95, Կ ի ը ա կ ո ս Գ ա ն - ձ ա կ ն ց ի. Պատմություն հայոց (այսուհետև՝ Գ ա ն ձ ա կ ն ց ի). Երևան, 1961, էջ 238, 289, 315-316, Գ ը ի ք ո ը Ա կ ն ք ց ի, Պատմություն թաթարաց (այսուհետև Ա կ ն ք ց ի). Երուսաղեմ, 1974, էջ 33, Պատմություն նահանգին Սիսական, արարեալ Սուսիաննախ Օրբէլեան արքեպիսկոպոսի Սիւնեաց (այսուհետև՝ Օրբելյան). Թիֆլիս, 1910, էջ 420-

Վանենի իշխանուհու 1232 թվակիր հիշատակարանի վկայությունն վրա հենվելով նկատել է Պ. Մուրադյանը, «շատերի աչքին Ռուսուդանը «աթոռակալ» էր... իսկ դահի օրինական ժառանգորդ շարունակում էր համարվել Լաշայի որդին»⁵: «Շատերի» թվում էին Զաքարյան իշխանական տան ներկայացուցիչները և արևելավրացական շատ իշխաններ, որոնք ըստ վրաց անանուն ժամանակագրի «հնազանդ Ռուսուդանի թագավորությունը... զբաղվածությունն սկսած առաջին չկարողացան մասնակցել Դավիթ թագավորի հանդիսությունը»⁶: Եթե կենտրոնական իշխանության երգվյալ պաշտպան վրաց հեղինակը փորձել է ցանկալին իբրև իրականություն ներկայացնել, ապա իրապատում Կիրակոս Գանձակեցին երկրի թուլացման պատճառները տեսնում է Ռուսուդանի արատավոր գահակալություն մեջ: Նա գրում է. «Թագավորությունն վրաց նուազեալ էր, զի էր ընդ ձեռամբ կնոջ, որում անուն էր Ռուսուդան... վաւաչ և կաթոտ, որսիս զՇամիրամն... և այրի մնացեալ, վարէր զիշխանութիւն թագաւորութեանն ի ձեռն զօրագլխացն Իւանէի, և որդւոյ իւրոյ Ավագին, և Շահնազի՝ որդւոյ Զաքարէի և Վահրամայ և այլոցն»⁷: Քանի որ Զաքարյան Հայաստանն իր տարածքով ու ռազմատնտեսական կարողությամբ բուն Վրաստանին չէր զիջում, վրացական թագավորության կառավարման կարևոր լծակները Զաքարյան ավատատիրական տան ձեռքում գտնվելն օրինաչափ էր: Վրացական պետության տրքունի չորս, այդ թվում երկու խիստ կարևոր դործակալություններ (աթաբեկություն, ամիրսպառախարություն) նրանք էին տնօրինում: Սակայն մոնղոլական նվաճմանը նախորդած կարճատև խաղաղ ժամանակամիջոցում Զաքարյաններին չհաջողվեց իրագործել իրենց վրա դրված համապետական նշանակություն գործառույթներից կարևորագույնը՝ երկրի պաշտպանունակության ամրապնդումը: Դա սլայմանավորված էր ոչ միայն վերը նշված օբյեկտիվ պատճառներով, այլև՝ սուբյեկտիվ գործոններով: Իր բոլոր դրական հատկանիշներով հանդերձ, եղբոր՝ Զաքարեի, մահից (1212) հետո Զաքարյան իշխանական տան գլուխ անցած և մինչև իր կյանքի վերջը (1234) վրացական թագավորության «իսուսական կառավարիչ»⁸ Իվանե աթաբեկը գուրկ էր նրա զորավարական ու կազմակերպչական տաղանդից: Դա վկայում է թեկուզ Գառնիի 1225 թ. ճակատամարտում Իվանեի գլխավորած հայ-վրացական բանակի ջախջախիչ պարտությունը⁹: Ինչ վերաբերում է նրանց հետնորդներ Շահնազին ու Ավագին և հորեղբոր թոռ Վահրամ Գաբեցուն, ապա նրանք ստիպված էին գործել անհամեմատ դժվարին ու անբարենպաստ ներքին և արտաքին պայմաններում: Մոնղոլական ներխուժման իրական սպառնալիքն անգամ

421, М у х а м м а д а н - Н а с и в и, с. 223. Материалы по истории Азербайджана из Тарих ал-Камилъ (Полного свода истории) Ибн ал-Асира. Баку, 1940, с. 314 և ուրիշներ:

⁵ Պ. Մ. Մ ու ռ ա դ յ ա ն. Հայաստանի վրացերեն արձանագրությունները. Երևան, 1977, էջ 155:

⁶ Վրաց ժամանակագրություն, էջ 68:

⁷ Գ ա ն ձ ա կ ե ճ ի, էջ 238:

⁸ С а р к и с К а к а б а д з е. Грузинская царица Тамара Великая. — "Кавказское слово", 1916, № 99.

⁹ Մանրամասն տե՛ս Հ. Գ. Մ ա ռ դ ա յ ա ն. Գառնիի ճակատամարտի պատմությունը շուրջ. — ՀՀ ԳԱԱ «Լրաբեր հասարակական գիտություններ», 1982, № 3, էջ 72-81:

նրանց չգրգեց գոնե իրենց ենթակայության տակ գտնվող և նախորդ տասնամյակում քանիցս ասպատակված Ձաքարյան Հայաստանի թեկուզ և հյուժոված ուժերը համախմբել: Նրանք XIII դ. 30-ական թվականներին պարսիակվել էին իրենց տիրույթներում և նրանց սլաշտոններն այդ շրջանում ոչ միայն համապետական, այլև նեղ իմաստով համահայկական դործառույթ չկատարեցին¹⁰: Ուստի, այդ իրադարձությունների ժամանակակից կիրակոս Գանձակեցին և մի քանի տասնամյակ անց ապրած վրաց անանուն ժամանակագիրը միանգամայն իրավացի էին պնդելով, որ «ոչ ոք էր, որ ընդգէմ կայր նոցա (մոնղոլների — Ա. Շ), կամ պատերազմէր ընդ նոսա¹¹», քանզի «միմյանց հետ անմիաբան ... և անհամախոհ վրաստանի զորեղներն ու անվանիք անկարող դարձան թաթարների (մոնղոլների — Ա. Շ.) դեմ փրկության կռիվ տալու»¹²:

Վրացական թագավորութունում, այդ թվում Ձաքարյան Հայաստանում, նման իրավիճակը չէր կարող հայտնի չլինել մոնղոլներին: Մոնղոլական մեծ խան Ուզեդեյը (1229–1241) խորեզմշահ Ջալալ ադ-Դինին ջախջախելու նպատակով 1230 թ. Չարմազանի գլխավորությամբ 30 հազարանոց բանակ ուղարկեց¹³: Ի վերջո, Չարմազանին, որին կիրակոս Գանձակեցին բնութագրում է իբրև «այդ խորագէտ և իմաստուն, և յաջողած ի դործս պատերազմի»¹⁴ հաջողվեց 1231 թ. Մայաֆարկինի մոտ լիովին ջախջախել Ջալալ ադ-Դինի զորքերի մնացորդները, որին հեռևեց ինչ-որ քրդի ձեռքով վերջին խորեզմշահի սպանությունը¹⁵: Դրանից հետո մոնղոլներն ասպատակեցին հարակից բազմաթիվ շրջաններ՝ ավերելով ու թալանելով բազմաթիվ մեծ ու փոքր բնակավայրեր՝ սրի քաշելով հազարավոր մարդկանց¹⁶: Այնուհետև՝ աշնանը, նրանք Ատրպատականի վրայով մտան Աղվանք և բարեբեր Մուղանի տափաստանում ձմեռեցին: Հաջորդ տարի, այն է՝ 1232 թ., նրանք դրավեցին, թալանեցին ու հիմնահատակ կործանեցին Աղվանքի տնտեսական կենտրոն հարուստ Գանձակը¹⁷: Իբրև կանոն, մոնղոլների ցանկացած ռազմական դործողության նախորդում էր հակառակորդի խնամքով կատարված հետախուզությունը¹⁸: Ինչպես պնդում է Հ. Չամչյանը, նրանք «առաքեցին անտի լրտեսս յաշխարհն վրաց... և մեծին

¹⁰ Լ. Հ. Բ ա բ ա յ ա ն. Հայաստանի սոցիալ-տնտեսական և քաղաքական պատմությունը XIII-XIV դարերում. Երևան, 1964, էջ 198:

¹¹ Գ ա ն ձ ա կ ե ց ի, էջ 254:

¹² Վրաց ժամանակագրություն, էջ 74:

¹³ А б у л - Г а з и. Родословная история о татарах. Т. I, СПб., 1768, с. 146; Х о н д е м и р. История монголов: от древнейших времен до Тамерлана, СПб., 1834, с. 35, The History of the World Conqueror..., vol. I, 1958, p. 190.

¹⁴ Գ ա ն ձ ա կ ե ց ի, էջ 233:

¹⁵ М у х а м м а д а н - Н а с и в и, с. 294-296; Р а ш и д а д - Д и н, т. II, с. 30-31.

¹⁶ Արաբական աղբյուրներ. Բ, ի Ր ն ա լ Ա օ ի Ր, Երևան, 1981, էջ 344-346, Ա ն ա ն ու ն Ե դ Ե ս ա ց ի. Ժամանակագրություն. Երևան, 1982, էջ 185, Վրաց ժամանակագրություն, էջ 72:

¹⁷ Հայերեն ձեռագրերի հիշատակարաններ, ԺԳ դար. Երևան, 1984, էջ 183:

¹⁸ И. М. И в а н и н. О военном искусстве и завоеваниях монголо-татар и среднеазиатских народов при Чингиз хане и Тамерлане. СПб., 1895.

Հայոց՝ որ յորժամ ընդ իշխանութեամբ վրաց էր. և տեղեկացան ամէնայն հանգամանաց՝ երկրին»¹⁹:

Որոշ հետազոտողներ գտնում են, որ Գանձակն ավերելուց հետո մոնղոլներն Աղվանքից հեռացել են իրան, որպեսզի վերանվաճեն ապստամբած շրջանները և ամրապնդեն իրենց թիկունքը²⁰: Ռաշիդ ադ-Դինի համաձայն, իրոք, իրանում, հատկապես Մաղանդարանում ընդվզումներ էին սկսվել, որոնք ճնշեց Չարմազանի օգնական և Մաղանդարանի էմիր Ջինթիմուրը²¹: Ամենայն հավանականությամբ, Աղվանքից մոնղոլների հեռանալու մասին պնդման տեղիք է տվել Կիրակոս Գանձակեցու վկայություններ, ըստ որի, մոնղոլները Գանձակն ավերելուց հետո «ի բաց գնացին»²²: Սակայն պատմիչը դրանով նկատի է ունեցել մոնղոլների ոչ թե առհասարակ Աղվանքից, այլ՝ Գանձակից հեռանալը: Նա նախքան այդ գրում է, որ մոնղոլները Ջալալ ադ-Դինին ջախջախելուց հետո գրավեցին Ատրպատականը, որտեղից ընտանիքներով մտան Աղվանք և Մուղանի բարեբեր դաշտը ձմեռանոց դարձնելով «ի ժամանակս գարնանային սփռէին ընդ կողմանս կողմանս ասպատակաւ և աւերմամբ, և դարձեալ դառնային, անդրէն բանակէին»²³: Անվիճելի է, որ մոնղոլները Չաքարյան Հայաստանի վրա հարձակվեցին Մուղանից և այն նվաճելուց հետո աշնանը վերադարձան այնտեղ²⁴: Հետևաբար, Մուղանից մոնղոլները հեռանում էին միայն գարնանը՝ ռազմական գործողություններ իրականացնելու նպատակով, իսկ աշնանը վերադառնում էին այնտեղ՝ ձմեռելու:

Հայ պատմագիտության մեջ գերիշխող տեսակետի համաձայն 1235 թ. Ուգեգեյի հրավիրած զուրուլթայում որոշվել էր գրավել ոչ միայն Ռուսաստանն ու հարևան երկրները, ինչպես գրում է Ռաշիդ ադ-Դինը²⁵, այլև Անդրկովկասի մնացած շրջանները, այդ թվում վրացական թագավորությունն ու դրա բաղկացուցիչ մաս Չաքարյան Հայաստանը: Անկասկած, այդ կարծիքի հիմքում ընկած է Ռուսաստանում ու հարակից երկրներում, ինչպես նաև Անդրկովկասում լայնածավալ ռազմական գործողությունների համաժամանակությունը՝ 1236 թվականը: Սակայն բանն այն է, որ նույն Ռաշիդ ադ-Դինի վկայությամբ մոնղոլները Չինաստանում, Տիբեթում ու Հնդկաստանում ոչ պակաս ծավալուն մարտեր են սկսել հենց 1235 թ., բայց ոչ թե զուրուլթայի որոշմամբ, այլ՝ Ուգեգեյի անմիջական հրամանով²⁶: Բացի այդ, Ռուսաստանում և հարակից երկրներում կռվելու համար Բաթուին օգնելու նպատակով Ղարազորումից լրացուցիչ խոշոր ուժեր են ուղարկվել, որոնք ռազմերթին նախապատրաստվելու և տեղ

¹⁹ Մ. Չ ա մ չ յ ա ն ց. Հայոց պատմություն. Հ. Գ, Վենետիկ, 1786, էջ 206:

²⁰ Հ. Մ ա ն ա ն դ յ ա ն. Քննական տեսություն հայ ժողովրդի պատմության. Հ. Գ, Երևան, 1952, էջ 197, Լ. Հ. Բ ա բ ա յ ա ն. նշվ. աշխ., էջ 195, Հայ ժողովրդի պատմություն. Երևան, 1975, էջ 582:

²¹ Р а ш и д а д - Д и н, т. II, с. 33—34.

²² Գ ա ն ձ ա կ ե ց ի, էջ 237:

²³ Նույն տեղում, էջ 234-235:

²⁴ Հաւաքումն պատմութեան Վարդանայ վարդապետի լուսաբանեալ (այսուհետև՝ Վ ա Ր Դ ա ն). Վենետիկ, 1862, էջ 144, Ա կ ն ե Ր ց ի, էջ 23, Հայերեն ձեռագրերի հիշատակարաններ, ԺԳ դար, էջ 196, Վրաց ժամանակագրություն, էջ 72, 74:

²⁵ Р а ш и д а д - Д и н, т. II, с. 35—36.

²⁶ Նույն տեղում, էջ 36:

Հասնելու համար երկար ամիսներ են կորցրել²⁷: Ինչ վերաբերում է Չարմազանին, ապա նա գտնվում էր տեղում և Ուզեդեյի հրամանով հենց 1235 թ. կարող էր գործի անցնել, առավել ևս, որ մեծ խանը մի առիթով դժգոհել էր նրա գործողությունների արդյունքներից²⁸: Հայկական որոշ արժանահավատ սկզբնաղբյուրների հաղորդումներն իրենց հերթին ստիպում են մտածել, որ մոնղոլները Զաքարյան Հայաստանի բաղկացուցիչը կազմող Վահրամյանների իշխանությունն են ներխուժել 1235 թ. ամռանը²⁹: Այդ իրողությունից համապարփակ քննությունը թողնելով այլ առիթի³⁰, նկատենք, որ Գանձակի գրավումից ի վեր վրացական թագավորության անմիջական հարևանությունում Ազվանքում հաստատված և դեռ 1220-1222 թթ. երիցս այնտեղ ներխուժած մոնղոլները³¹ քաջածանոթ էին ինչպես այդ պետության ներքին անմխիթար վիճակին, այնպես էլ բերդերի տեղադրությունն ու վարչատարածքային ռաժանմանը: Վստահ լինելով, որ կազմակերպված դիմադրության չեն հանգիպի, ինչպես նաև ելնելով տեղանքի կտրտվածության պատճառով խոշոր ուժերի ղորաշարժերի հետ կապված դժվարություններից ու բերդերի ցրվածությունից, Չարմազանն ու նրա զորավարները, որոնցից գլխավորը Չաղաթայն էր³², հրաժարվեցին միասնական մարտավարության մաքտածեխից: Նրանք մոնղոլական ոչ այնքան մեծաթիվ³³ 30 հազարանոց, բանակը բաժանեցին առանձին ջոկատների, որոնք, աղբյուրների համերաշխ վկայությամբ, իրենց հրամանատար նոյինների դիվանավորությամբ ձեռնամուխ եղան Զաքարյան Հայաստանի և Արևելյան Վրաստանի վիճակահանությունում բաժին հասած այս կամ այն իշխանությունում ու գավառի գրավմանը³⁴:

Իրադարձությունների հետագա ընթացքը ցույց տվեց, որ խորամանկ ու շրջահայաց մոնղոլները ճիշտ մարտավարություն էին ընտրել: Խուսուղան թագուհին սլետություն թեկուզ և տկար ուժերը համախմբելու ու թշնամուն միացյալ հակահարվածի փորձ կատարելու փոխարեն մտածելով միայն սեփական և որդու անձի փրկության մասին, ինչպես խորեզմցիների ներխուժման ժամանակ էր վարվել՝ ապաստանեց անհամեմատ անվտանգ Արևմտյան Վրաստանում՝ Քուլթայիսում: Այդ է վկայում վրաց անանուն ժամանակագիրը: «Թաթարների (մոնղոլների – Ա. Շ.) գալն իմանալով, գրում է նա, – Խուսուղան թագուհին թողեց Տփղիսը և գնաց Քուլթայիս»³⁴: Ասվածի հաշվառմամբ գժվար է համերաշխվել Յու. Սիխարուլիձեի հետ,

²⁷ Նույն տեղում, էջ 36, 37:

²⁸ Նույն տեղում, էջ 34:

²⁹ Տե՛ս օրինակ, Մ. Մաշտոցի անվ. Մատենադարան, ձեռ. № 7433, թ. 264, Հայերեն ձեռագրերի հիշատակարաններ, ԺԳ գար, էջ 203, Լ. Տ ա շ ե ա ն. Ցուցակ ձեռագրաց Մատենադարանին Մխիթարեանց ի Վիեննա. Վիեննա, 1895, էջ 39, Լ. Մ ե լ ի ք ս ե թ - Բ ե կ. Հովհաննես Վանական Տավուզեցու անտիպ երկերից. – «Էջմիածին», 1959, № 9, էջ 36 և այլն:

³⁰ Հարցի համառոտ քննությունը տե՛ս Ա. Շ ա հ ն ա զ ա ը յ ա ն. Վահրամյանների իշխանությունը. Երևան, 1990, էջ 111-112:

³¹ Մանրամասն տե՛ս Ա. Շ ա հ ն ա զ ա ը յ ա ն. Մոնղոլների հետախուզական արշավանքն Անդրկովկաս (1220-1222). – «Պատմա-բանասիրական հանդես», 2000, № 2, էջ 85-107:

³² Գ ա ն ձ ա կ ե ց ի, էջ 253, 264, 275, 320:

³³ Նույն տեղում, էջ 237-238, Վ ա ը ա ն, էջ 144, Ա կ ն ե ը ց ի, էջ 26:

³⁴ Վրաց ժամանակագրություն, էջ 73:

ըստ որի թագուհու այդ քայլը սլաշասլանական հատուկ տակտիկայի արդյունք էր³⁵:

Մինչդեռ դա միայն ու միայն սեփական անձի փրկությանը միտված և երկրի առավել խոցելի հատվածը թշնամու ողորմածությանը հանձնող թագակրին անվայել քայլ էր: Եթե թագուհին հասկանում էր (այլ կերպ հնարավոր չէր), որ մոնղոլներին անհնար է դիմադրավել, ապա սեփաք է ջանար բանակցել նրանց հետ՝ փորձելով գոնե այդ կերպ կանխել երկրին սպառնացող աննախադեպ արհավիրքը: Ռուսուգանի հետագա քայլերը ևս պարզորոշ վկայում են, որ դրանց հիմքում, եթե ոչ ամբողջապես, ապա, առաջին հերթին, ընկած էին նեղ անձնական շահերը: Վստահաբար սինդելի է, որ Ռուսուգանը նախօրոք էր պատրաստվել այդ քայլին, ինչը նրա մերձավոր շրջապատի համար գաղտնիք լինել չէր կարող: Միաժամանակ, հեռու ենք այն մտքից, որ վրաց արքունիքն այլ կերպ գործելու դեպքում ունակ կլինեք հետ մղելու մոնղոլական ներխուժումը: Ասվածի հաշվառմամբ հատկանշական է Ռ. Կիկնաձեի այն դիտարկումը, ըստ որի քանզի «թագուհին թաքնվեց Արևմտյան Վրաստանում և, ըստ էության, հրաժարվեց մոնղոլներին դիմագրություն կազմակերպելուց, վրացական (բայց ինչո՞ւ վրացական և ոչ թե հայ-վրացական – Ա. Շ.) մեծատոհմիկները նախընտրեցին սխալ, սրտախախտ տակտիկա. վրացական արքունիքի վեզիրները, առանձին մարզերի կառավարիչներն ամրացան տարբեր բերդերում և դրանցից հետևում էին իրադարձությունների ընթացքին»³⁶: Իսկ դրանք զարգանում էին հօդուտ թշնամու, որի հարվածի հիմնական ծանրությունն այս անգամ ևս ստիպված էր իր վրա վերցնելու վրաց արքունիքի կողմից իր հույսին թողնված Զաքարյան Հայաստանը: Այս առումով բնութագրական է, որ Գեորգի Լաչան 1222 թ. մոնղոլների նախորդ հետախուզական, արշավանքի ժամանակ, թշնամուն սեփության արևելյան սահմանադրված, դիմակայելու փոխարեն նրա հերթական ներխուժումը մտադիր էր հետ մղել Լոմթա-Գորա-Ագարա բնագծից հոգալով միայն բուն Վրաստանի անվտանգությունը³⁷:

Վահրամյանների տիրույթների վրա մոնղոլների հարձակումը եթե նույնիսկ 1235-ին չի կատարվել (ինչու՞մ համոզված չենք), աշխարհագրական գիրքի և Պարտավ-Գանձակ-Շամքոր-Տիխիս մայրուղին հսկելու պատճառով կրեց առաջին հարվածը: Բնական է, որ մոնղոլներին առաջին հերթին հետաքրքրում էր Վահրամյանների իշխանության արևելյան ծայրամասում ընկած և հիշյալ մայրուղու վրա գտնվող վաճառաչաճ Շամքոր քաղաքը: Մուլար նոյիսը, որին բաժին էր ընկել Վահրամյանների իշխանությունը, ոչ թե այդ քաղաքը միանգամից մեծ ուժերով պաշարեց, այլ Մուղանից մոտ 100 հոգիանոց ջոկատ ուղարկեց, որը փակեց Շամքորի մուտքերը և այն կտրեց արտաքին աշխարհից: Շամքորցիներն օգնություն խնդրեցին Վահրամ Գաղեցուց ու նրա որդի Աղբուղայից, միաժամանակ

³⁵ Ю. М. С и х а р у л и д з е. Борьба грузинского народа против татаро-монгольского ига (автореф. дис. на соискание уч. ст. доктора ист. наук). Тбилиси, 1969, с. 22.

³⁶ Արևելյան Վրաստանի պատմություն. հ. III, Թբիլիսի, 1979, էջ 547 (վրացերեն):

³⁷ Գարթլիս ցխովրեբա. հ. I, Թբիլիսի, 1955, էջ 370 (վրացերեն):

Հայտնելով, որ մոնղոլները «սակաւք են»³⁸: Սակայն բազմափորձ Վահրամյան իշխանը, որը քանիցս մարտերում ղրսւորել էր իր զորավարական տաղանդն ու խիզախութիւնը, ոչ միայն արգելեց օգնել շամքորցիներին, այլև նրանց հրամայեց չդիմադրել մոնղոլներին, պնդելով, որ նրանք «բազումք են»³⁹: Իբրև սահմանապահ կուսակալի, Վահրամ Գաղեցուն չէր կարող Հայտնի չլինել, որ մոնղոլական բանակի թվաքանակը հարյուրով չէ, որ սահմանափակվում է: Նրան ի պաշտոնե քաջ Հայտնի էր Գանձակի դառը ճակատադիրը, և նա բնավ չէր կասկածում, որ մոնղոլներին դիմադրելու դեպքում Շամքորին նույնն է սպառնում: Վահրամ Գաղեցուն ի վերջո Քուլթայիսում ապաստանելը ևս մտածել է տալիս, որ նա իրազեկ էր Ռուսուգանի այնտեղ փախչելու մասին, ուստի արքունիքից օգնութեան որևէ հույս չուներ: Նրան չստարեցին նաև Ավադ ու Շահնշահ Զաքարյանները և Սարգիս Թմոզվեցին, իսկ նախ մոնղոլների, ապա խորեզմցիների ասպատակութիւնները ու նվաճումների ընթացքում խիստ թուլացած իր իշխանութեան⁴⁰ ուժերով չէր կարող հակադրվել մոնղոլներին: Ուստի, դա էր պատճառը, որ վերջիններիս հետախուղական արշավանքի ընթացքում նրանց դեմ խիզախութեամբ և Հայ ու վրաց իշխաններից միակը Հաջողութեամբ կռված⁴¹ Վահրամ Գաղեցին ստիպված էր տեղի տալ: Շամքորցիներին նման հրաման տալով, նա ուզում էր իր իշխանութիւնը հնարավորինս գերծ պահել նոր, ավելի սոսկալի արհավիրքներից: Այս լույսի ներքո անհնար է Վահրամ Գաղեցուն մեղադրել իրեն պատկանող քաղաքի ճակատագրի նկատմամբ հանցավոր անտարբերութեան և վախկոտութեան մեջ, ինչպես վարվել են վրացի և ադրբեջանցի որոշ պատմաբաններ⁴²:

Սակայն շամքորցիները չանսացին իրենց իշխանի հրամանը: Ինչպես և սպասում էր Վահրամ Գաղեցին, Շամքորի մուտքերը փակած մոնղոլների թիվը գնալով աճեց, ասլա այնտեղ եկավ նաև Մուլար նոյինը: Տեսնելով, որ քաղաքը չի հանձնվում, մոնղոլները սկսեցին գրոհը: Միայն իրենց ուժերին ապավինած շամքորցիները կատաղի դիմադրում են: Մուլար նոյինը հրամայում է Շամքորի շուրջ փորված պաշտպանական խրամատը լցնել փայտով ու ծղոտով, որպեսզի հեշտացվի քաղաքի պարիսպների հաղթահարումը: Շամքորցիները գիշերը հրդեհում են ծղոտն ու փայտը: Մուլար նոյինը հրամայում է խրամատը լցնել հողով և հավասարեցնել պարիսպների բարձրութեանը: Դա մոնղոլներին թույլ է տալիս պարիսպների վրայով հեշտութեամբ ներխուժել քաղաք, որը հրկիզվում ու կողոպտվում է, իսկ բնակչութիւնը գլխովին սրի է քաշվում⁴³: Վարդան վարդապետը ևս շեշտում է Շամքորը «հնարիւք» դրավելու իրողութիւնը⁴⁴: Այգպիսով, այդ քաղաքը ևս նվաճվեց մոնղոլական պաշարողական մարտարվեստի բոլոր

³⁸ Գ ա ն ձ ա կ ե ց ի, էջ 241-242:

³⁹ Նույն տեղում, էջ 242:

⁴⁰ Մանրամասն տես Ա. Շ ա հ ն ա զ ա ր յ ա ն. նշվ. աշխ., էջ 103-106:

⁴¹ Ա կ ն ե ր ց ի, էջ 21-22:

⁴² История Грузии, т. I, Тбилиси, 1962, с. 227, 228; История Азербайджана, т. I, Баку, 1958, с. 177-178; А. А. А л и - З а д е. Социально-экономическая и политическая история Азербайджана XIII-XIV вв. Баку, 1956, с. 112.

⁴³ Գ ա ն ձ ա կ ե ց ի, էջ 242:

⁴⁴ Վ ա ր դ ա ն, էջ 145, հմտ. Ա կ ն ե ր ց ի, էջ 23:

կանոններին համապատասխան⁴⁵, բաժանելով կամովին չհանձնված այլ քաղաքների տխուր ճակատագիրը: Նման բնակավայրերի նկատմամբ մոնղոլների ծայրահեղ դաժանությունն ի թիվս այլ խնդիրների՝ դեռևս չնվաճված շրջանների ընակչություն մեջ զանգվածային խուճապ սփռելու նպատակ էր հետապնդում, ինչը նրանց հնարավորություն էր տալիս քիչ ըոհերով ու արագորեն հասնել նոր հաջողությունների:

Համոզվելով կազմակերպված դիմադրություն չգոյություն մեջ, Մուլար նոյինն իր ուժերը երկատեց: Դրանք «ամենայն աղխիւն իւրեանց»⁴⁶ ուղղություն վերցնելով դեպի արևմուտք և հարավ-արևմուտք, խորացան Վահրամյանների իշխանությունում: Մի գորաջողատը, որն ըստ Կիրակոս Գանձակեցու գլխավորում էր ինքը՝ Մուլար նոյինը, շարժվելով դեպի արևմուտք, պաշարեց Տավուշ, Կածաթեթ, նոր Բերդ, իսկ վերջում՝ իշխանության արևմտյան ծայրակետում գտնվող Գագ բերդը՝ Վահրամ Գագեցու իշխանանիւտը: Մյուս գորաջողատը, որի հրամանատարի անունը պատմիչը չի հայտնում, գնաց հարավարևմտյան ուղղությամբ և օղակեց Տերունական, Երգևանք ու Մածնաբերդ բերդերը⁴⁷: Կիրակոս Գանձակեցին Վահրամյաններին պատկանող Քարհերձ, Սագամ ու Քավազին բերդերի գրավման մասին լռում է: Նրա պատմածը լրացնում են Վարդան վարդապետն ու հատկապես Գրիգոր Ակներցին: Եթե Վարդան վարդապետն իր սննդակցի թվարկած բերդերին ավելացնում է միայն Քավազինը⁴⁸, ապա Գրիգոր Ակներցին դրան գումարում է նաև Քարհերձն ու Սագամը և աղբյուրներում միայն իր մոտ հանդիպող և, անկասկած, գրչական աղավաղմամբ «Տերեւեն» տառաշարքով մեզ հասած դղյակը⁴⁹: Դատելով Գրիգոր Ակներցու բերդերի թվարկման հաջորդականությունից, այն ընկած էր Վահրամյանների իշխանության ծայր հարավ-արևելակողմում՝ Քարհերձի ու Գարդմանի հարևանությամբ: Չնայած ըստ Վարդան վարդապետի Վահրամ Գագեցու տիրույթները միայն Մուլար նոյինին են բաժին ընկել⁵⁰, Կիրակոս Գանձակեցու պնդմամբ Գարդմանը Չարեքի ու Գետաբակի հետ հասել է Ղատաղա նոյինին⁵¹: Կիրակոս Գանձակեցու հավաստիությունը երևում է Վարդան վարդապետի այն վկայությունից, որ Գարդմանին մերձակա Չարեքը, Գետաբակն ու Վարդանաշատը գրավել էր նույն Ղատաղա նոյինը⁵²: Բանի որ Չարեքն ու Գետաբակը պատկանում էին Ավագ Զաքարյանին⁵³, սլարգվում է, որ մոնղոլները Զաքարյան Հայաստանի գրավմանը նախապատրաստվելիս առաջնորդվել են նրա թե՛ վարչատա-

⁴⁵ Հմմտ. И. П. Петрушевский. Земледелие и аграрные отношения в Иране XIII-XIV веков. М. - Л., 1960, с. 33:

⁴⁶ Գ ա ն ձ ա կ ե ց ի, էջ 243:

⁴⁷ Ն ու յ ն տեղում:

⁴⁸ Վ ա ռ դ ա ն, էջ 145:

⁴⁹ Ա կ ն ե ր ց ի, էջ 23: Հ. Ստեփանյանը վկայակոչելով պատմիչի աշխատության Բ. Պատկանյանի հրատարակությունը (Ս. Պետերբուրգ, 1870, էջ 6-7) կամայական կրճատմամբ խմբագրել է հղումը և «Տերեւենը» նույնացրել Տերունականի հետ: Մինչգեո, Գրիգոր Ակներցին հստակ տարբերակել է այդ տեղանունները, հղման կրճատված մասում թվարկելով նաև Տերունականը:

⁵⁰ Վ ա ռ դ ա ն, էջ 144:

⁵¹ Գ ա ն ձ ա կ ե ց ի, էջ 243: Հմմտ. Հ. Մ ա ն ա ն դ յ ա ն. նշվ. աշխ., էջ 202:

⁵² Վ ա ռ դ ա ն, էջ 144:

⁵³ Հայերեն ձեռագրերի հիշատակարաններ, ԺԳ դար, էջ 140:

րածքային բաժանմամբ և թե՛ բերդերի տեղադրություններով: Նկատենք նաև, որ վերը թվարկված բերդերից Մաճնաբերդն ու Նոր Բերդը պատկանում էին Վահրամյանների վասալներին. առաջինը՝ Ազարթան, իսկ երկրորդը՝ Վասակ Կյուրիկյաններին՝ Տաշիր-Ձորագետի Կյուրիկյանների շառավիղներին:

Մուլար նոյի զորաջոկատը պաշարում է նաև Տավուշ բերդի հարավակողմում գտնվող՝ Վանական վարդապետի քարայրը, որտեղ շրջակա դուրդերից ապաստանել էին բազմաթիվ անսլաշտպան մարդիկ: Երբ ամառային սաստիկ տապի ու ծարավի պատճառով երեք օր անց նրանք սկսում են տառապել, Վանականը դնում է Մուլար նոյի մոտ և հայտնում, որ իրենք խաղաղ ու չունևոր մարդիկ են, հավելելով, թե «զոր ինչ կամ է ձեր, արարէք ընդ մեզ թէ՛ կենօք և թէ՛ մահուամբ»⁵⁴: Մուլար նոյին ոչ միայն դործնական նկատառումներով, այլև, հավանաբար, Վանականի խոսքերի ազդեցություններով քարայրում ապաստանածներին ոչ միայն չի կոտորում, այլև խոստանում է «իւրաքանչիւր յիւրում տեղուղ կեալ իւրովք վերակացուօք, և յանուն նորա (Վանականի – Ա. Շ.) շինել զգիւղսն և զաղաւակսն»⁵⁵: Ուրեմն, մոնոլոգները ոչնչացրել էին իրենց ճանապարհին ընկած բնակավայրերը: Մոնոլոգները թալանում են Վանականի քարայրը և գերում նրան ու իր աշակերտներից շատերին, այդ թվում Կիրակոս Գանձակեցուն: Ի վերջո, Վանականին 80 դահեկանով փրկագնում են Գաղ բերդի բնակիչները, իսկ Կիրակոս Գանձակեցին աշնանային մի օր փախչում և ապաստանում է Գետիկ վանքում⁵⁶:

Վարդան վարդապետի վկայություններով, Վահրամյանների իշխանության բոլոր ամրություններն ու բնակավայրերը «ամենեքեան տուեալ լինէին ի ձեռս նոցա (մոնոլոգների – Ա. Շ.) ի սուղ ժամանակս, անվաստակ և առանց աշխատութեան»⁵⁷: Կիրակոս Գանձակեցու պատմածից ևս հետևում է, որ դիմադրության փաստական բացակայության պատճառով այդ իշխանության գրավումը շատ կարճ է տևել՝ սկսվելով ամռանը, տևել է մինչև աշուն⁵⁸: Գրիգոր Ակնեցու «առին եւ դործով զամուր դղեկն զՏաւուշ»⁵⁹ խոսքերից հետևում է, որ այդ հզոր բերդը կամովին չէր հանձնվել: Գաղ բերդն ակնհայտորեն չէր դիմադրել, քանի որ հիմնավոր չէր թալանվել, իսկ բնակչությունը սրի չէր քաշվել: Հակառակ դեպքում, գագեցիները հազիվ թե կարողանային Վանականին փրկադնելու համար իր ժամանակի համար զգալի դումար՝ 80 դահեկան հավաքել⁶⁰: Ինչ վերաբերում է Վահրամ Գագեցուն, ապա նա մոնոլոգական ներխուժման ժամանակ դառնում էր Գարդման բերդում: Ղատաղա նոյի զորաջոկատի մոտենալուն պես, նա մի գիշեր այնտեղից փախուստի դիմեց⁶¹: Թշնամուն կազմակերպված

⁵⁴ Գ ա ն ձ ա կ ե ց ի, էջ 246, հմտ. Վ ա ռ դ ա ն, էջ 145-146, Ա կ ն ե ռ ց ի, էջ 23:

⁵⁵ Գ ա ն ձ ա կ ե ց ի, էջ 246-247:

⁵⁶ Նույն տեղում, էջ 247-252:

⁵⁷ Վ ա ռ դ ա ն, էջ 145:

⁵⁸ Գ ա ն ձ ա կ ե ց ի, էջ 244, 249:

⁵⁹ Ա կ ն ե ռ ց ի, էջ 23:

⁶⁰ Գ ա ն ձ ա կ ե ց ի, էջ 251-252, հմտ. Վ ա ռ դ ա ն, էջ 146, Ա կ ն ե ռ ց ի, էջ 23:

⁶¹ Գ ա ն ձ ա կ ե ց ի, էջ 252:

դիմազրելու ուժ չունենալով, նա որդու՝ Աղբուղայի հետ, տեղից տեղ էր փախչում⁶²: Դա մոնղոլներին հնարավորություն չէր տալիս գերելու նրան: Ուշագորավ է, որ Մուլար նոյինը չիմանալով նրա գտնվելու վայրը, Վանականի միջոցով էր փորձում պարզել, թե որտեղ է նա⁶³: Ի վերջո, Վահրամ Գազեցին ապաստանեց Քուլթայիսում⁶⁴, ուր, ինչպես նշվեց, փախել էր նաև Ռուսուդան թագուհին: Չնայած Վահրամյանների իշխանության գրավումից հետո մոնղոլները նրա տարածքում շարունակում էին ավարառությունը⁶⁵, Հ. Մանանդյանն իրավացի է, գտնելով, որ «Վահրամի երկիրը համեմատաբար քիչ էր տուժել, որովհետև նրա բերդերը կամովին անձնատուր էին եղել և տվել էին մոնղոլական զորքերին իրենց անասուններին ու գուլքը, ինչ որ սրանք պահանջել էին»⁶⁶: Մուլար նոյինը գրավված վայրերում վերակացուներ կարգելով, աշնանն իր զորաբանակով վերադարձավ Մուղան՝ ձմեռելու:

Ավագ Ջաքարյանի վասալ էլիկում Օրբելյանին պատկանող Սյունիքի գրավումը, Ստեփաննոս Օրբելյանի վկայությամբ, բաժին էր ընկել Ասլան նոյինին: Երբ վերջինս իր զորաբանակով ներխուժում է Սյունիք, էլիկումն իր մերձավորների հետ ամրանում է Հրաչկաբերդ անառիկ ամրոցում: Ասլան նոյինը համոզվելով, որ դրա գրավումն «անհնարին էր ի մարդկանէ», պատգամավորի միջոցով էլիկումին համոզիչ բացատրում է նրա իրավիճակի անելանելիությունը և խոստանում՝ հանձնվելու դեպքում բարի վերաբերմունքի արժանացնել, իսկ հակառակ պարադալում՝ ամբողջ գերդաստանով ոչնչացնել: Էլիկումն իրերի դրուլթյան սթափ գնահատմամբ, առանց Ավագ Ջաքարյանից թուլյություն խնդրելու, Ասլան նոյինից անվտանգություն հավաստիք ստանալով, բազմաթիվ ընծաներով դնում է նրա մոտ և հպատակություն հայտնում⁶⁷: Մոնղոլ զորապետն այնուհետև, հակառակ Լ. Բաբայանի և Հ. Ստեփանյանի պնդմանը⁶⁸, առանց որևէ դիմադրության հանդիպելու գրավում է էլիկումի տիրույթները: Դրանցից սյունյաց պատմիչը հանվանե հիշատակում է Վայոց ձորն ու Եղեգիքը, մինչև Գառնիի դիմաց ընկած Երբերոն գյուղը: Ամբողջ Սյունիքն Ասլան նոյինը հավատարիմ ծառայության պայմանով իբրև սեփականություն վերադարձնում է էլիկում Օրբելյանին⁶⁹: Մոնղոլները հավատարիմ ծառայություն ասելով հասկանում էին առաջին հերթին իրենց զորքով ծառայելը: Ուստի, Ասլան նոյինն էլիկումին «կալեալ... առաջնորդ դնաց մինչև ԵԱնի և հնազանդէր զամենայնս»⁷⁰: Պատմիչի խոսքերից հասկացվում է, որ էլիկումը մոնղոլներին ուղեկցելով ոչ միայն նպաստել էր իր տիրույթ-

⁶² Վ ա ռ դ ա ն, էջ 145:

⁶³ Գ ա ն ձ ա կ ե ց ի, էջ 246:

⁶⁴ Վրաց ժամանակագրություն, էջ 73:

⁶⁵ Գ ա ն ձ ա կ ե ց ի, էջ 251:

⁶⁶ Հ. Մ ա ն ա ն դ յ ա ն, նշվ. աշխ., հ. Գ, էջ 203:

⁶⁷ Օ Ր Բ Ե Լ Ե Կ Ե Կ, էջ 403-404: Որոշ հեազոտողներ վրիպել են, պնդելով, թե մոնղոլներին առաջինը Ավագ Ջաքարյանն է հպատակվել (Ա շ. Հ ո վ հ ա ն ն ի ս յ ա ն, Դրվագներ հայ ազատագրական մտքի պատմության. գիրք առաջին, Երևան, 1957, էջ 164, Բ. Ա. Ուլունբաբյան, Խաչենի իշխանությունը X-XVI դարերում. Երևան, 1975, էջ 187, Գ. Մ. Գրիգորյան, Սյունիքը Օրբելյանների օրոք (XIII-XV դարեր). Երևան, 1981, էջ 66): Առաջինն այդ քայլին դիմել է էլիկում Օրբելյանը:

⁶⁸ Լ. Հ. Բ ա բ ա յ ա ն, նշվ. աշխ., էջ 208, Հ. Ս տ ե փ ա ն յ ա ն, նշվ. աշխ., էջ 67:

⁶⁹ Օ Ր Բ Ե Լ Ե Կ Ե Կ, էջ 404:

⁷⁰ Նույն տեղում:

ները անարյուն ու դյուրին նվաճմանը, ինչով մասամբ ըրացատրվում է նրա նկատմամբ Ասլան նոյինի բարեհաճութունը, այլև այն, որ նա սեփական հեծելազորով մասնակցել է Անիի գրավմանը: Ինչ վերաբերում է Գ. Գրիգորյանի այն կարծիքին, թե իբր «Ասլան նոյինն իր նոր դաշնակցին (իրականում վասալին – Ա. Շ.) վստահում է առաջնորդել մոնղոլական զորաջոկատներից մեկը»⁷¹, ապա այն իրականությունը հետ որևէ ազերս չունի: Այսպիսով, մոնղոլները նվազագույն ճիգերով տիրացան նաև Օրբելյանների իշխանությանը:

Անհամեմատ գովարին էր իսաչենի դրավումը: Հ. Մանանդյանի պնդմամբ, ըստ Կիրակոս Գանձակեցու, այն բաժին էր ընկել Ջուղբուղային⁷²: Առանց այդ պատմիչին վկայակոչելու, Հ. Մանանդյանին կրկնորգել է Լ. Բաբայանը⁷³: Իրականում Կիրակոս Գանձակեցին Ջուղբուղայի անունը չի տալիս: Նա գրում է. «Ասացուք արդև վասն կողմանցն իսաչենոյ... Քանզի ընդ ամենայն կողմանս սփռեալ էին (մոնղոլները – Ա. Շ.) զասպատակս իւրեանց, այլև վիճակաւ ևս բաժանեալ, հասին անդ ոմանք ի գլխաւորացն զօրու ծանու և զինու և ամենայն աղխիվ բանակին»⁷⁴: Ինչպես տեսնում ենք, պատմիչը մոնղոլ ոչ մի հրամանատարի անունով չի հիշատակում: Այդ բացն իր ձեռքի տակ եղած և մեզ չհասած մի աղբյուրի միջոցով մասամբ լրացրել է Հ. Չամչյանը: Նա պարզել է, որ այդ դորապետներից գլխավորը եղել է Չարմաղանի եղբայր Ջուլան⁷⁵: Մոնղոլները նախ կոտորածի ու դերելվարություն են մատնում իսաչենի դաշտային շրջանները, ապա հանգիստի վայրերում և ամուր վայրերում ապաստանածների դիմադրությունը, նրանց ծնկի են բերում կամ ուժով, կամ էլ խաբեություններով իրենց մոտ կանչելուց հետո սրի քաշելով ու գերելով: Այնուհետև նվաճողները զբաղվում են անմատչելիության պատճառով Հավասաղաց կոչվող բարձրագիր ամրություններում ապաստանածներով: Օգտվելով այն բանից, որ վերջիններս այդ ամրությունների անմատչելիության վրա վստահ լինելու պատճառով, զգոնությունը կորցրել էին, մոնղոլները հանկարծակի գաղտագողի մտնում են այնտեղ և իրենց զոհերին կամ սրատում, կամ էլ գահավեժ անում⁷⁶:

Մոնղոլներն այնուհետև շրջապատում են իսաչենի ամրոցը, որտեղ մոնղոլական ներխուժման լուրն առնելով, շրջակա բնակչության հետ ամրացել էր Ներքին իսաչենի տեր Հասան-Ջալալ իշխանը՝ Ավագ և Շահնշահ Ջաքարյանների հորաքրոջ որդին: Ինչպես Հրաչկաբերդ ամրոցի դեպքում էր, մոնղոլները զգալով այդ ամրոցի անմատչելիությունը, Հասան-Ջալալին հրավիրում են բանակցությունների: Իր խոհեմությամբ հայտնի այդ իշխանը բազմաթիվ ընծաներով գնում է նրանց մոտ և հպատակություն հայտնում: Մոնղոլները Ներքին իսաչենը վերահանձնում են նրան, փոխարենը պահանջելով հնազանդ հավատարմություն, ինչպես նաև՝ զորքով իրենց ծառայում, ինչն ըստ Կիրակոս Գանձակեցու, նա անթերի կա-

⁷¹ Գ. Մ. Գրիգորյան. նշվ. աշխ., էջ 67:

⁷² Հ. Մանանդյան. նշվ. աշխ., էջ 205:

⁷³ Լ. Բաբայան. նշվ. աշխ., էջ 207:

⁷⁴ Գանձակեցի, էջ 267:

⁷⁵ Մ. Չամչյան. նշվ. աշխ., էջ 210:

⁷⁶ Գանձակեցի, էջ 267:

տարեց⁷⁷: Ինչպես Հայտնի է, Չարմազանի որդիներից Բորա նոյինը կնուծ-
յան էր առել Հասան-Ջալալի դուստր Ռուզուլթանին⁷⁸: Ըստ Մ. Չամչյանի,
դա կատարվել է Ջուլայի նախաձեռնությամբ՝ «ի հաստատութիւն պայմա-
նի»⁷⁹: Հետազոտողները Խաչենի մոնղոլական նվաճումը թվագրում են
1236–1240 թթ. միջակայքով: Անկասկած ճիշտ է Հ. Մանադյանի առաջար-
կած 1236 թվականը, քանի որ այն հաստատվում է աղբյուրների անուղ-
ղակի վկայություններով:

Շահնազհի նստավայր Լոռէ բերդաքաղաքի և գավառի վրա հարձակվեց
Չաղաթայր: Կիրակոս Գանձակեցու համաձայն, լսելով այդ բերդաքաղաքի
պարիսպների ամրությունը և Շահնազհի՝ այնտեղ պահվող գանձերի շա-
տուկյան մասին, նա իր հետ վերցրեց ընտիր սպառազինված զորք ու պա-
շարողական մեքենաներ և Լոռէն պաշարեց: Շահնազհը բերդաքաղաքի
պաշտպանությունը հանձնարարելով իր աներորդիներին, ընտանիքով
գաղտագողի ապաստանեց մերձակա քարայրներում: Մինչ Շահնազհի
պատմիչի դիպուկ բնորոշմամբ «արք կանացիք» աներձագերը Լոռէի պա-
րիսպների ամրությունն ապավինած հարեցողությունում ու խնջույքներով
էին գբաղված, մոնղոլները պարիսպների հիմքերը փորելով վլցրին դրանք:
Բնակիչներին փախուստի հնարավորությունից զրկելով նրանք մտան Լո-
ռէ, որը ենթարկվեց հիմնավոր թալանի, իսկ այնտեղ գտնվածները՝ առանց
սեռի ու տարիքի խտրություն, անխնա սպանդի ենթարկվեցին: Բնակիչնե-
րի մի մասն էլ վախից ձորն էր նետվում: Մոնղոլներն սպանեցին նաև
Շահնազհի աներորդիներին ու կողոպտեցին խոր հորի մեջ գտնվող նրա
գանձարանը: Ապա Չաղաթայն ուժով կամ խաբեությունում գրավեց Լոռի
գավառի բոլոր ամրությունները⁸⁰:

Հայերեն ձեռագրերի հիշատակարաններից մեկի վկայությունից
հետևում է, որ այս անցքերը տեղի են ունեցել մինչև «ամի, որ է... ՈԶԵ
յամսեանն յարաց ժ յաւուր»⁸¹, որը համապատասխանում է 1236 թ. հոկ-
տեմբերի 23-ին⁸²: Շահնազհին հաջողվեց ընտանիքով նվազագույնը խու-
սափել գերությունից և փախչել Աջարիա⁸³:

Լոռէն ու գավառը գրավելուց հետո մոնղոլները շարունակելով Շահն-
ազհի տիրությունների նվաճումը, Լոռէ–Դմանիս–Շամշուղդե–Տիխիս ճանա-
պարհով շարժվելով գեպի Հյուսիս, ըստ Կիրակոս Գանձակեցու, գրավում
են նաև Դմանիսը, Շամշուղդեն ու Տիխիսը⁸⁴: Վարդան վարդապետն, իր
պատմելաոճին հավատարիմ, վերը շարադրվածը խիստ կարճառոտ է ներ-
կայացնում. «Չաղաղա նոյինն էառ զԼոռէ քաղաք, և որք յայնր կողմանէ
գաւառք»⁸⁵: Ըստ վրաց անանուն ժամանակագրի, Ռուսուդան թագուհին
Քոլթայիս փախչելուց առաջ հրամայել էր մոնղոլներին՝ Դմանիս հասնելու

⁷⁷ Նույն տեղում, էջ 269:

⁷⁸ Նույն տեղում, էջ 391:

⁷⁹ Մ. Չամչյանի, էջ 210:

⁸⁰ Գանձակեցու, էջ 253–254, հմմտ. Վարդան, էջ 144, Մանր ժամանակա-
գրություններ, XIII–XVIII դդ., հ. I, Երևան, 1951, էջ 26, 41:

⁸¹ Հայերեն ձեռագրերի հիշատակարաններ, ժԳ դար, էջ 191:

⁸² Է. Բ. Աղայան. Անարկներ հայոց տոմարների պատմության. Երևան, 1986, էջ
291:

⁸³ Վրաց ժամանակագրություն, էջ 73:

⁸⁴ Գանձակեցու, էջ 254:

⁸⁵ Վարդան, էջ 144:

դեպքում Տփլիսը հրկիզել, որպեսզի նրանք այն խորեղմցիների նման իբրև բնակատեղի չօգտագործեն: Թագուհու հրամանն ի կատար է ածվում⁸⁶: Կիրակոս Գանձակեցու և Վարդան վարդապետի հաղորդումներից Հ. Մանանդյանը եզրակացրել է, որ վերոհիշյալ երեք քաղաքները Չաղաթայն է գրավել⁸⁷: Վրացական թագավորության մայրաքաղաքի գրավումը մոնղոլական բանակում Չարմազանից հետո երկրորդ դեմքը հանդիսացող Չաղաթային վերագրելը տրամաբանական է: Սակայն, ինչպես վերը նշվեց, մոնղոլական զորապետերը գործում էին համաձայն նախօրոք կատարված վիճակահանումից, ինչը կույր լինելով, անհամեմատ հարիւր է պատահակահանումից, քան տրամաբանումից: Կիրակոս Գանձակեցու և Վարդան վարդապետի վկայությունները ևս նման մտահանգման հիմք չեն տալիս: Բացի այդ, վրաց հեղինակը, որը որևէ բնակավայր կամ գավառ գրավողի անուն չի տալիս, Չարմազանին այլ առիթներով քանիցս հիշատակելով հանդերձ, հայտնում է, որ Շամշուղեն «գրավել էին Յոսուր նոյինն ու Անդուրնակը՝ Ավաղի մասնակցությամբ»⁸⁸, ինչը մերժելու որևէ կովան չունենք:

Ավագ Չաքարյանը մոնղոլական ներխուժման լուրն առնելով ամրացել էր իր նստավայր Կայեն բերդում⁸⁹, որի շուրջ ապաստանել էր նույնանուն գավառի ամբողջ բնակչությունը: Մոնղոլներն Ավաղի գտնվելու տեղն իմանալով, Դուղատա նոյինի գլխավորությամբ, ստվար զորաբանակով բերդը շրջապատում են: Կայեն գավառի դժվարամատուց վայրերում ապաստանելու հույսով տարբեր վայրերից այնտեղ էին փախել բազմաթիվ մարդիկ, որի հետևանքով գավառը լցվել էր նրանց հետապնդող մոնղոլական զորքերով: Կայենում պաշարվածների փախուստը բացառելու նպատակով մոնղոլները դրա ստորոտներում բերդի շուրջը շուրջը քարե պատ են քաշում: Դրանից հետո նրանք բազմիցս պատգամավորի միջոցով Ավագին առաջարկում են անվարան գալ իրենց մոտ և հնազանդվել: Ավագը չի համաձայնում, բայց քանի որ բերդի ջրի պաշարներն արագորեն սպառվում էին, պաշարումը թուլացնելու միտումով Ավագը մոնղոլների մոտ է ուղարկում իր դստերը և «ինչս բազումս»: Ուղարկվածն ընդունելով հանդերձ, մոնղոլները պաշարումը չեն թուլացնում և դարձյալ իրենց են պնդում: Պաշարվածները ջուր բերելու թուլյություն ստանալու հույսով իրենց ձիերն ու անասունները հանձնում են մոնղոլներին: Սակայն վերջիններս ջրի դնացածներին ոչ միայն արգելափակում են, այլև ստիպում, որ իրենց ընտանիքներին իջեցնեն բերդից: Նրանց բոլորին ևս արգելափակում են, իսկ իրենց գուր եկած կանանց խլելով՝ նրանց ամուսիններին սպանում:

Համոզվելով, որ թշնամին պաշարումն ու կոտորածը չի գաղաբեցնում, Ավագը պաշարյալների վիճակը թեթևացնելու նպատակով որոշում է հանձնվել, բայց ոչ թե Դուղատա նոյինին, այլ՝ Չարմազանին: Այդ նպատակով նա վերջինիս մոտ է ուղարկում իր տան վերակացուին (հեջուբին)

⁸⁶ Վրաց ժամանակագրություն, էջ 73:

⁸⁷ Հ. Մանանդյան. նշվ. աշխ., էջ 203:

⁸⁸ Վրաց ժամանակագրություն, էջ 79:

⁸⁹ Նույն տեղում, էջ 73, Գանձակեցու, էջ 254:

Գրիգոր Տղային: Չարմաղանն այդ ժամանակ գտնվում էր Սևանա լճի ափին⁹⁰: Դա նշանակում է, որ մոնղոլները գրավել էին նաև Ավագին պատկանող՝ Սևանա լճի ավազանում ընկած գավառները⁹¹: Չարմաղանն ուրախանալով Դուրատա նոյինին հրամայում է Ավագին շտապ հասցնել իր մոտ, իսկ Կայեն բերդի ու գավառի բնակիչներին այլևս չհեղել: Դուրատա նոյինը բերդից իջած Ավագին ուղեկցում է Չարմաղանի մոտ: Ավագն իրեն բարեհաճ ընդունած և օրեցօր ավելի բարձր պատվի արժանացրած մոնղոլ գլխավոր հրամանատարին հպատակություն է հայտնում: Դրան հետևում է Չարմաղանի հրամանը՝ նրա տիրույթներում ռազմական գործողությունները դադարեցնելու և բազմաթիվ գերյալների ազատ արձակելու մասին: Ավագի տիրույթները վերահասանելի էին նրան⁹²: Բնականաբար, փոխարենն Ավագը դառնում էր մոնղոլներին հարկատու և պետք է գործով ծառայեր նրանց: Այսպիսով, մոնղոլներին, կամա թե ակամա, իրավական առումով ենթակա գարձան նաև Ավագին ենթակա իշխանները:

Վրաց անանուն ժամանակագրի համաձայն, մոնղոլներին Ավագի հանձնվելը տեղի է ունեցել Անիի գրավումից հետո, երբ նրանք Պարտավում ձմեռում էին⁹³: Սակայն վրաց հեղինակը սխալվել է: Նախ, այդ իրադարձություններին անհամեմատ քաջատեղյակ Կիրակոս Գանձակեցու հավաստմամբ Չարմաղան նոյինն Անիի գրավմանը մասնակից էր դարձրել նաև Ավագին⁹⁴, ինչ ենթադրում է վերջինիս անձնատրույթունը նախքան այդ: Բացի այդ, վրաց ժամանակագրի մերթ գրում է, որ Ավագը մոնղոլներին է հանձնվել Անիի գրավումից հետո, երբ ռազմական գործողություններն ավարտվել էին, մերթ, ինչպես տեսանք, պնդում, որ նա մասնակցել է Յոսուր նոյինի և Անգուրնակի կողմից նախքան այդ Շամշուղեի գրավմանը: Նրա երկրորդ հաղորդումը թվում է հավաստի, քանի որ նա անդամ Տիխիսը գրավող մոնղոլ զորահրամանատարի անունը չի տալիս⁹⁵: Մ. Սիխարուլիձեն Ավագի անձնատրույթունը պայմանավորում է նրա անմիջական ենթակա էլիկում Օրբելյանի մոնղոլներին ենթարկվելով⁹⁶: Դա անընդունելի է, քանի որ ավատական ենթակարգությունը հակառակն է ենթադրում: Մերթելի է նաև վրացի պատմաբանի այն պնդումը, թե Ավագին այդ քայլին էին դրդել նեղ ավատատիրական շահերը⁹⁷: Իրականում նա մոնղոլներին անձնատու էր եղել առաջին հերթին իր հպատակներին ավելորդ կոտորածներից, գերեվարությունից, թալանից ու այլ զրկանքներից զերծ պահելու նպատակով: Այս առումով ուշագրավ է, որ Կիրակոս Գանձակեցին այդ իրադարձությունների ժամանակ Շահնազի վարքագիծը բացասաբար գնահատելով, Ավագինը դրական գույներով է ներկայացնում և հիմնավորում նրա անձնատրույթյան անխուսափելիությունն ու

⁹⁰ Գ ա ն ձ ա կ ե ց ի, էջ 254-256:

⁹¹ Հմմտ. Մ. Չ ա մ չ յ ա ն ց. նշվ. աշխ., էջ 210:

⁹² Գ ա ն ձ ա կ ե ց ի, էջ 255-257, հմմտ. Վ ա ռ դ ա ն, էջ 144, Օ ռ բ ե լ յ ա ն, էջ 404, Միխիթար Այրիվանեցույ Պատմություն ժամանակագրական, Ս. Պետերբուրգ, 1867, էջ 80, Մանր ժամանակագրություններ, XIII-XVIII դդ. հ. 1, էջ 41, 392:

⁹³ Վրաց ժամանակագրություն, էջ 74-75:

⁹⁴ Գ ա ն ձ ա կ ե ց ի, էջ 257:

⁹⁵ Վրաց ժամանակագրություն, էջ 73:

⁹⁶ Ю. М. С и х а р у л я н, նշվ. աշխ., էջ 23:

⁹⁷ Նույն տեղում:

նպատակի արդարացվածությունը⁹⁸: Ասվածը, իհարկե, Ավագի՝ նաև անձնական շահեր հետապնդելը չի բացառում: Այդ քայլով նա նաև կարողացավ սլահպանել հայ-վրացական վերնախավում իր գերազդեցիկ, եթե ոչ գերիշխող դիրքը⁹⁹: Չարմաղանն իր հերթին Ավագի միջոցով վրացական թագավորության դեռևս չգրաված երկրամասերի ավելի արագ ու անկորուստ հպատակեցման խնդիր ուներ: Ընդհանրապես, մոնոլոգները նման քաղաքականություն վարում էին նաև այլուր: Ինչպես ցույց տվեցին հետագա իրադարձությունները, թե՛ Ավագը և թե՛ Չարմաղանն իրենց հաշվարկներում երկուստեք չէին սխալվել:

Չաքարյան Հայաստանի արևելյան ու հյուսիսային լեռնային դավառների դրավումից հետո մոնոլոգներն անցան նրա մնացած շրջանների նվաճմանը: Դրանք գերադանցապես ընդգրկում էին Շահնշահի ու նրան ենթակա իշխանների տիրույթները, ինչպես նաև Վանանդը՝ Կարս կենտրոնով, որը պատկանում էր վրաց արքունիքին¹⁰⁰: Թագավան գործողությունների անմիջական ղեկավարություն իր վրա վերցրեց Չարմաղանը: Կիրակոս Գանձակեցու վկայությամբ, Չարմաղանն «առեալ զնա (Ավագին – Ա. Շ.) և գամենայն գօրն՝ չոգաւ ի վերայ քաղաքին Անևոյ»¹⁰¹: Արարատյան դաշտով դեպի Շիրակ կատարված այս արշավանքից, ինչը երևում է մի ձեռագրի հիշատակարանի հաղորդումից¹⁰², հպատակված երեք հայ իշխաններից գորքով, Ավագից բացի, ինչպես տեսանք, մասնակցում էր էլիկումը, իսկ Հասան-Ջալալի մասնակցությունը մասին որևէ տվյալ չունենք: Անիի և հարակից շրջանների վրա արշավանքին Ասլան նոյնի մասնակցելուց և Կիրակոս Գանձակեցու վերը բերված վկայությունից հետևում է, որ դեպի այդ քաղաք են շարժվել նաև իրենց բաժին ընկած գավառներն ու իշխանություններն արգեն գրաված և այնտեղ վերակացուներ նշանակած մոնոլոգ գորահրամանատարները: Թ. Հակոբյանը, ելնելով Անին բոլոր կողմերից շրջապատվելու իրողությունից, մոնոլոգական բանակի և նրան միացած հայկական գորքերի թվաքանակը ոչ պակաս 20 հազար է հաշվել¹⁰³, ինչը հավանական է թվում:

Մոնոլոգների կողմից Չաքարյան Հայաստանի գրավմանն անդրադարձած հայկական աղբյուրներում, հասկանալի պատճառներով, ամենաշատ վկայությունները քաղաքամայր Անիի մասին են: Դրանցից, ինչպես նախորդ այլ դեպքերում, այնպես էլ այս՝ աչքի է ընկնում Կիրակոս Գանձակեցու գունեղ պատումը: Չարմաղանն Անի հասնելով պատգամավորների միջոցով քաղաքից հնադանդություն է պահանջում: Քանի որ Անին պատկանում էր Շահնշահին, քաղաքի կառավարիչները հանձնվելուն դեմ չլինելով, ինչը երևում է նրանց հետագա վարքագծից, առանց քաղաքի տիրոջ թույլտվության Չարմաղանին որևէ պատասխան տալ չեն համարձակվում: Հասարակ քաղաքացիները, որոնք դեմ էին հանձնվելուն, սսլանում են Չարմաղանի պատգամավորներին՝ հարուցելով մոնոլոգների կատաղուլթ-

⁹⁸ Գ ա ն ձ ա կ ե ց ի, էջ 253-257:

⁹⁹ Լ. Հ. Բ ա բ ա յ ա ն, նշվ. աշխ., էջ 204-205:

¹⁰⁰ Жизнь царицы Тамар, с. 46.

¹⁰¹ Գ ա ն ձ ա կ ե ց ի, էջ 257:

¹⁰² Հայերեն ձեռագրերի հիշատակարաններ, ԺԳ դար, էջ 196:

¹⁰³ Թ. Խ. Հ ա կ ո բ յ ա ն, Անիի պատմություն. գիրք երկրորդ, Երևան, 1982, էջ 289:

յունը: Չարմաղանը հրամայում է քաղաքը բոլոր կողմերից շրջապատել, իսկ բաբանները՝ գործի գնել: Չնայած անեցիների դիմադրությունը, մոնղոլներին հաջողվում է ներխուժել քաղաք: Նախքան այդ, Անիի ավազանիներից ոմանք իրենց կյանքը փրկելու նպատակով կեղծ խոստումներով քաղաքից դուրս են բերում բաղամաթիվ բնակիչներին: Մոնղոլները կենդանի թողնելով սակավաթիվ կանանց, երեխաների ու արհեստավորների, մնացածներին սպանում են: Ասլա մտնելով այդ ծաղկուն, հարուստ ու շքեղ քաղաք՝ այն, ներառյալ վանքերն ու եկեղեցիները, ավերում ու թալանում են, իսկ բնակչությունը, այդ թվում հոգևորականներին, կամ սպանում, կամ գերեվարում¹⁰⁴: Այդ հարվածից հետո Անիի այլևս ուշքի չեկավ:

Լ. Բաբայանը ենթադրել է, որ մոնղոլները 1236 թ. սեպտեմբերին Անիի մերձակայքում էին գտնվում¹⁰⁵: Կարծում ենք, որ Անիի հետ կապված անցքերը 1236-ի սեպտեմբերին են կատարվել, քանի որ նրանից հետո գրավված Սուրբ Մարիի գրավման լուրը Հավուց Թառ էր հասել 1236 թ. հոկտեմբերի 23-ին¹⁰⁶: Ինչ վերաբերում է Անիի գրավման նպատակով մոնղոլների ծախսած ժամանակին, ապա Սիմոն դը Սաինթ-Քուենտինի համաձայն այն 12 օր է տևել¹⁰⁷:

Մոնղոլներն այնուհետև Չարմաղանի գլխավորությամբ շարժեցին դեպի Կարս: Անեցիների հետ կատարվածին քաջատեղյակ կարսեցիները քաղաքի բանալիներն առած շարժեցին նրանց ընդառաջ: Սակայն մոնղոլները, որոնք կամ, ըստ Հ. Մանանդյանի, թալանի մեծ փափագ ունեին¹⁰⁸, կամ էլ դեռ չէին մոռացել իրենց պատգամավորների սպանությունը, Կարսը ևս արժանացրին Անիի ճակատագրին¹⁰⁹:

Մոնղոլների զոհը դարձավ նաև 1235 թ. Շահնազհի ու Ավագի կողմից ազատագրված¹¹⁰ Սուրբ Մարի քաղաքը: Այն հեշտությամբ գրավեց ու կողոպտեց Ղարա-Բահադուրը, քանի որ նրա պարիսպները դեռևս չէին նորոգվել¹¹¹: Լ. Բաբայանը ելնելով Կիրակոս Գանձակեցու «նոյն գորքն առին և զքաղաքն սուրբ Մարի»¹¹² արտահայտությունից կարծել է, թե Ղարա-Բահադուրը Կարսից է շարժվել Սուրբ Մարիի վրա: Սակայն պատմիչը «նոյն գորքն» ասելով նկատի է ունեցել ոչ թե Կարսը գրաված, այլ՝ Չարմաղանի գլխավորած գորքն ընդհանրապես: Մեր պնդման հետ դժվար չէ համաձայնել, եթե նկատի ունենանք Անիի նկատմամբ Կարսի ու Սուրբ Մարիի տեղադրությունը: Դրանցից առաջինն ընկնում էր Անիից արևելք, իսկ երկրորդը՝ հարավ-արևելք: Չարմաղանն իր գլխավոր ուժերով ամրացված Կարսի վրա հարձակվելուց առաջ կարող էր մի զորաջոկատ առանձ-

¹⁰⁴ Գ ա ն ձ ա կ ե ց ի, էջ 258-259, Վ ա ռ դ ա ն, էջ 144, Հայերեն ձեռագրերի հիշատակարաններ, ԺԳ դար, էջ 191, 193, 196, Մանր ժամանակագրություններ, XIII-XVIII դդ., հ. I, էջ 26 և ուրիշներ:

¹⁰⁵ Լ. Հ. Բ ա բ ա յ ա ն, նշվ. աշխ., էջ 206:

¹⁰⁶ Հայերեն ձեռագրերի հիշատակարաններ, ԺԳ դար, էջ 191:

¹⁰⁷ S. de Saint-Quentin. Histoire des Tatares. Paris, 1965, p. 59.

¹⁰⁸ Հ. Մ ա ն ա ն դ յ ա ն, նշվ. աշխ., էջ 204:

¹⁰⁹ Գ ա ն ձ ա կ ե ց ի, էջ 260, Վ ա ռ դ ա ն, էջ 144, Մանր ժամանակագրություններ, XIII-XVIII դդ., հ. I, էջ 41 և ուրիշներ:

¹¹⁰ Գ ա ն ձ ա կ ե ց ի, էջ 260, Մանր ժամանակագրություններ, XIII-XVIII դդ., հ. I, էջ 41:

¹¹¹ Գ ա ն ձ ա կ ե ց ի, էջ 260-261:

¹¹² Լ. Հ. Բ ա բ ա յ ա ն, նշվ. աշխ., էջ 206:

նացնել՝ այլ ուղղությամբ վրա գտնվող և անպաշտպան Սուրբ Մարին գրավելու համար:

Այսօրվա Ձաքարյան Հայաստանի նվաճման նպատակով մոնղոլական բանակի վարած ռազմական կոնկրետ գործողությունների մասին աղբյուրների տեղեկություններն ավարտվում են: Դրանց շնորհիվ 1236 թ. ձմեռնամուտին այն ամբողջովին, ներառյալ այն իշխանություններն ու դավառները, որոնց գրավմանն աղբյուրները չեն անդրադարձել, հայտնվեց «զանոողորմիցն ողորմնն... յանաւրէն»¹¹³ մոնղոլների տիրապետության տակ: Ընդ որում, դա կատարվեց «ի սուղ ժամանակս, անվաստակ և առանց աշխատութեան»¹¹⁴, իսկ թե ինչո՞ւ, վերը փորձեցինք բացատրել: Արդյունքում, երկրի բնականոն զարգացումը մի քանի դարով ոչ միայն կասեցվեց, այլև հետ չպրտվեց: Ձմեռնամուտին Չարմաղանը բոլոր գրավված վայրերում վերակացուներ կարգելով և հրամայելով, որ վախստականները վերադառնան իրենց բնակավայրերը, դրանք վերաշինեն ու իրենց հարկատու դառնան, վերադարձավ Մուղանի իրենց ձմեռանոցը¹¹⁵: Նախքան այդ, Ձաքարյան Հայաստանի պաշտպանական համակարգը հիմնովին քայքայելու և հետագա ընդլայնումը կամ դիմադրությունը բացառելու նպատակով Ղարա Բուղա անունով մի մոնղոլ հրամանատար թողնվեց տեղում՝ խնդիր ունենալով քանդել սլաշտպանական կառույցները, ինչը և արվեց¹¹⁶: Կիրակոս Գանձակեցու վկայությամբ, չնայած մոնղոլական զորքերը ցանքատարածություններն անխնա ոտնատակ էին տվել, բնությունը բարեգույժ գտնվեց: «Մարդիկն,— դրում է պատմիչը,— որ մնացին է սրոյ անտի, մերք էին և առանց կերակրոյ, ի հասկից անտի անկելոց և կոխելոց ընուին զպէտս յուրյանց. և ձմեռն ոչ ցուրտ եղև սաստիկ... այլ կակուղ և ըստ միտս»¹¹⁷: Չնայած բնակչությունը հողը հերկելու հնարավորություն և սերմացու չունեց, չհնձված արտերը ծլեցին և լավ բերք տվեցին, ինչը ժողովրդին փրկեց սովամահությունից¹¹⁸: Ըստ Կիրակոս Գանձակեցու նաև «անողորմ ազգն վրաց բազում գուլթս և խնամս ցուցանէին երթելոցն առ նոսա պանդխտանալ»¹¹⁹:

Հաջորդ տարի, ընդունված կարգի համաձայն, մոնղոլական տեղական հրամանատարությունն Ավագին ուղարկեց Ղարադորում՝ Ուզեդեյի մոտ: Վերջինս «սիրով ընդունէր զնա... դրէր և առ զօրավարսն իւր տալ ի ձեռն նորա զիւր աշխարհն և նովաւ նուաճել ապստամբսն, որ եղև իսկ»¹²⁰: Ապստամբներ ասելով մեծ խանը նկատի ունեն դեռևս իրենց հպատակությունը չհայտնած Ռուսուղան թագուհուն և հայ ու վրաց իշխաններին: Ավագի վերադարձից հետո նրա օրինակով ու միջնորդությամբ նվաճողներին հպատակվեցին նաև Շահնշահը, Վահրամ Գադեցին, Սարդիս Թմոզվեցին, Հասան-Ջալալը և մոնղոլների կողմից գրավված կամ նրանց հարձակումներին ենթարկվող Արևելյան Վրաստանի իշխանությունների տերե-

¹¹³ Մատենադարան, ձեռ. № 1973, թ. 199 ա:

¹¹⁴ Վ ա ռ դ ա ն, էջ 145:

¹¹⁵ Գ ա ն ձ ա կ ե ց ի, էջ 261, Ա կ ն ե ր ց ի, էջ 23:

¹¹⁶ Ա կ ն ե ր ց ի, էջ 23-24:

¹¹⁷ Գ ա ն ձ ա կ ե ց ի, էջ 261-262:

¹¹⁸ Նույն տեղում, էջ 262:

¹¹⁹ Նույն տեղում:

¹²⁰ Նույն տեղում, էջ 263:

րը¹²¹: Մոնղոլները «զիւրաքանչիւրը երկիր տային նոցա և առժամանակ մի ներումն»¹²²: Դրանից հետո զանգվածային սպանդը դադարեց, իսկ տարաբնույթ բռնութիւնները մեղմացան, ինչի շնորհիվ «սկսաւ երկիրն առ սակաւ սակաւ զշինութիւն առնուլ»¹²³: Սակայն դա հարաբերական վերաշինութիւնն ու անդորրն էր:

ЗАВОЕВАНИЕ ЗАХАРИДСКОЙ АРМЕНИИ МОНГОЛАМИ

АРТАШЕС ШАХНАЗАРЯН

Р е з ю м е

Грузинское государство, в состав которого на принципах феодальной субординации входила Захаридская Армения, вступило в четвертое десятилетие XIII в. как государство, которое не в состоянии было противостоять маломазьски серьезному противнику. Причиной тому были тяжелые удары, нанесенные стране и преимущественно Захаридской Армении в 1220-х годах, во-первых, со стороны монголов, затем кпчагов и в особенности хорезмийцев, а также фактический развал оборонительной системы и углубление феодальных противоречий. О ситуации в грузинском государстве осведомлены были монголы, которые после взятия Гандзака в 1232 г. находились в Алуанке. Их 30-тысячная армия, во главе с Чармаганом, исходя из административно-территориального деления грузинского государства и расположения оборонительных укреплений, разделившись на отдельные отряды, в 1236 г. (по некоторым сведениям в 1235 г.) напала на Захаридскую Армению. Не получив никакой помощи от Грузинского двора и князей, члены феодального дома Захаридов и их вассалы, убедившись в бесперспективности активного сопротивления, укрылись в своих крепостях или нашли убежище в Западной Грузии, куда сбежала царица Русудан. В конце концов, желая покончить с опустошениями, грабежами, угодом в плен и массовой бойней, развязанной монголами, сохранив при этом свои господствующие позиции среди армяно-грузинской феодальной знати, Авак Захарян, являвшийся вторым лицом грузинского государства, подчинился монголам. После захвата Захаридской Армении в 1236 г. по примеру Авака Захаряна и при его посредничестве остальные армянские князья также подчинились монголам, получив обратно свои княжества.

¹²¹ Նույն տեղում, էջ 257, Վրաց ժամանակագրութիւն, էջ 79: Ստացվում է, որ Հասան Ջալալը մոնղոլներին երկու անգամ է հպատակութիւն հայտնել վերջին անգամ, ըստ երևույթին, արգեն պաշտոնապես:

¹²² Գ ա ն ճ ա կ ե ց ի, էջ 263, Վրաց ժամանակագրութիւն, էջ 75-76, Ա կ ն ե ր ց ի, էջ 23:

¹²³ Գ ա ն ճ ա կ ե ց ի, էջ 261: